

陶雲汀先生奏疏

奏疏卷四十七目錄

江督稿

安化陶

覆奏查無朱毛俚踪跡摺子

籌補採買米麥不敷運腳價值銀兩摺子

請將倡捐辦賑其次出力之員交部優敘摺片

審擬銅陵縣鹽船捏淹匪徒鬧店暨丁役詐贓

摺子

請鼓勵捐挑省城河道尤爲出力人員摺子

奏報駱馬湖租息動支實數摺子

赴清江浦辦理重運摺片

運銅委員請撥借應得養廉摺子

現辦河漕情形摺片

請將積歉地方新舊錢糧量予展緩摺子

覆奏查無朱毛俚踪跡摺子

奏爲遵

旨委員兜查竝無朱毛俚踪跡恭摺覆

奏仰祈

聖鑒事頃臣承准軍機大臣字寄道光十三年正月

初七日奉

上諭鄧廷楨奏據江西寧都州知州王泉之稟稱該員於道光七年接前途來信朱毛俚在安徽地方勾結山東河南匪徒滋事上年又接准新建縣轉准進賢東鄉安仁崇安石門嘉秀吳江靈壁永城

等縣來信潁州府教匪滋事業經拏獲王全慰等
十二名其教頭朱毛俚等在逃應請通飭嚴拏等
情經該撫查明上年潁州府屬並無報獲教匪王
全慰之事又據王泉之稟稱實係接准來信潁州
府拏獲教匪王全慰均稱教頭朱毛俚等在逃未
獲稟請核辦並准周之琦飭據新建進賢東鄉安
仁等縣稟稱上年九月內准前途遞到此信轉至
寧都州屬實等語此案朱毛俚係嘉慶十九年間
江西省審辦逆案逸犯自通緝以來總未弋獲道
光七年阜陽縣民趙中信商同王會隴習教一案

內王更有在河南鹿邑縣朱文友家見過朱毛俚
之供經該撫委員密赴河南確查竝無朱毛俚踪
跡竝訊出朱文友串囑假冒實情奏結完案茲據
王泉之稟該犯兩次潛匿潁州鄧廷楨奏請根查
嚴緝實在難容漏網虛亦不畱疑竇所見甚是該
撫現委知府周天爵通判金萼會同該府馬志燮
該縣朱獲密訪嚴拏務得確實不准含混並著陶
澍遴委明幹大員由鳳陽府入境兜查以杜諱飾
仍恐該犯行踪詭秘竝著鍾祥楊國楨一體嚴查
無分畛域實力躡緝仍不許張皇滋擾至此項信

函經江西省查明係由福建崇安縣遞至江西鉛山縣是已得有頭緒不難水落石出仍著魏元烺逐程追溯以期得實其王泉之稟內尙牽敘道光四年間相驗路斃無名男屍檢獲假票腰牌顯係朱毛俚在福建僞封官職等語亦著周之琦魏元烺一併查明具奏等因欽此查此案先經江西寧都州王泉之具稟臣以潁州府地方如果獲有教匪王全慰等十二人供出教頭朱毛俚踪跡該地方官正可藉此見功何以臣衙門並無報案惟朱毛俚爲多年未獲之逆犯旣經該牧接

有此稟卽當就此窮究根株辨明虛實辦理比
卽飭委候補通判徐森由鳳陽府入境撫臣鄧
廷楨亦卽遴委廬州府周天爵候補通判金萼
分路往查去後臣復奉到

諭旨又經添委鳳陽府知府朱士達前往嚴密兜查
旋據朱士達周天爵等稟稱該員等改裝易服
或經由市鎮遣丁暗訪或經由鄉僻詳細周諮
先後馳入潁州府境據沿途鄉保衿耆人等僉
稱自道光七年辦理王會隴習教一案以後竝
無續獲教匪之事及詢以朱毛俚姓名則年老

者聽人傳述尙能知其名字其年少者卽茫然不知且周天爵曾任阜陽知縣於該處地方士民多有認識詢訪尤爲確鑿竝經現任阜陽縣朱獲按段細查實無朱毛俚踪跡該員等到潁州兜查後復會同該府馬志燮檢齊各屬近年報案竝無挈獲王全慰供出朱毛俚之事惟查前辦王會隴案內有朱彥輔假冒朱毛俚令王更進見叩頭收受錢米一節亦竝非實有朱毛俚其人或者他省誤傳亦未可定未便平空滋擾等情由司核明具詳請

奏前來伏查安徽省鳳潁一帶接壤河南向來傳
教拜會之風實所不免臣前在安徽時於道光
二年上拏獲河南教匪邢名章搶入阜陽縣案
內如朱鳳閣王興仁王景盤朱鳳鳴等均經立
正典刑七年上撫臣鄧廷楨拏獲王會隴一案
如王更朱文友等復經按律嚴懲地方咸知儆
戒竝無續有拏獲王全慰之事惟王會隴案內
其子王更初供有老教主朱毛俚藏在河南之
語復經審出係朱彥輔假冒現查王泉之稟內
卽載有王合隴一案顯係王會隴傳寫之誤其

所指朱毛俚似卽供內所稱假冒之朱毛俚因
外省訛傳以致有誤第案已久結何以此次信
內又有傳播且信內牽引遠省歷年舊案忽東
忽西不倫不類自未便以無據之談致滋擾累
惟除莠安良爲地方第一要務况潁州向來屢
有教匪犯案之事尤未便以現在查無其事稍
爲鬆勁臣與撫臣仍飭地方文武時刻畱心查
察至此次書信究從何來應俟福建江西兩省
挨查確實辦理以儆訛傳所有委員兜查竝無
朱毛俚踪跡緣由理合恭摺覆

奏伏乞

皇上聖鑒謹

奏

道光十三年三月十四日具

奏四月初十日奉到

硃批知道了欽此

籌補採買米麥不敷運腳價值銀兩摺子

蘇撫會稿

奏爲河南等省採買米麥平糶不敷價腳籌補歸款仰祈

聖鑒事竊照道光十一年江寧等屬被水成災因米

糧昂貴民食維艱經

臣陶澍會同前撫

臣

奏明酌借藩庫銀兩委員前赴河南等省採買米

麥來江糶濟民食行據前江寧藩司陸言飭委

前任江防同知宋傳曾等齎帶米價銀一萬兩

運腳銀三千兩前往購辦該委員行抵徐州適

值

臣

林則徐於河南藩司調任江寧時先於豫

省藩庫動撥銀兩卽在劉家口等處委員購買
小麥三萬石分起解寧飭將所帶米價銀一萬
兩就近解存徐州府庫一面齎帶運腳銀兩前
赴光固一帶會同歸德府等購買大米一萬五
千五百石並將徐州府庫存貯米價銀兩就近
割飭徐州府採買小麥三千石先後運解來省
當卽確按各災屬市集糧價酌撥減糶以資民
食惟次年春末夏初爲日正長察看被水災區
民食仍屬維艱雖經臣陶澍先已

奏請

聖恩免稅招商而災地較廣需米甚多隨到隨罄商人志在圖利難免價日增昂復經臣等等八

奏明籌撥十一年賑餘銀兩委員分赴山東河南湖北等省採買米麥來江糶濟民食隨經飭委江防同知宋傳曾試用知縣朱恭壽江寧管糧同知宋獻章等齎帶價腳銀一十六萬三千兩分往湖北河南山東等省價平地方購買米麥先後運解來江酌減價值撥發各屬領糶并因蘇屬被歉各州縣米糧亦復昂貴卽於東省採買米麥內酌撥三千石零運往蘇省分撥減糶

各在案伏查道光十一年採買河南大米一萬五千五百石小麥三萬石除領運來江所需水陸運腳銀八千六百八十兩九錢二分三釐係由江寧藩庫動墊應于糶價銀內撥歸外所有河南省採買正價共銀七萬九千九百九十九兩一錢七分八釐經河南撫

臣

奏明亦應由江寧就近報撥至買回米麥分撥各州縣減價平糶共該糶價銀九萬二千三百六十四兩七錢八釐除歸還運腳價值共銀八萬八千六百八十兩一錢一釐又撥補徐州府採

買小麥三千石減糶不敷銀一十九兩二錢六分計餘剩銀二千六百六十五兩三錢四分七釐所有道光十二年採買湖北河南山東等省大米一萬七千五百石粟米小麥四萬一千五百五十八石五斗一升共用過價腳銀一十四萬六百七十三兩九錢四分二釐又山東倉穀碾運粟米三千石共價腳銀四千三百八十二兩二錢七分四釐分撥各屬減價平糶其該銀一十二萬七千一百二十三兩九分六釐計虧折糶價不敷銀一萬七千九百三十三兩一錢

二分除道光十一年採買河南米麥平糶盈餘
銀二千六百六十五兩三錢四分七釐堪以儘
數撥補外實不敷銀一萬五千二百六十七兩
七錢七分三釐皆因各路採運米麥來江客販
不能居奇民間又禁囤積是以市價日就平減
此項減糶不敷銀兩應卽籌議歸補免致正款
虛懸覆查道光元年江寧所屬被災買米一萬
五千石折耗糶價不敷銀七千五十九兩七錢
一分三釐係前督臣孫玉庭

奏明於江淮揚徐海通六府州攤廉歸補今此次

購買米麥數萬餘石不敷銀數較多臣等擬於江寧所屬司道府廳州縣應領養廉銀內無分正署分作十年統攤全完歸入賑餘本款報撥在各官應支養廉銀兩每百兩僅只抽捐銀二兩二錢一釐五毫爲數有限攤捐較易而於正項不致虛懸此係在外攤捐之款應請毋庸造冊報銷所有各屬解存糶價銀兩曾經

奏明撥用本年春季口糧銀六萬兩又歸還碾運山東穀價銀四千二百兩餘銀統俟提齊另行歸還賑餘本款報部撥用並將司庫動墊運腳

銀兩分別收歸還款據江寧布政使趙盛奎造

冊詳請具

奏前來除造冊送部查覈外謹合詞具

奏伏乞

皇上聖鑒訓示謹

奏

道光十三年三月二十六日具

奏四月二十五日奉到

硃批戶部知道欽此

請將倡捐辦賑其次出力之員交部優敘摺片
再道光十一年淮南鹽場被水通州分司所屬
因場地被淹收成歉薄泰州分司所屬成災五
分九分不等例賑不及貧竈乏食經臣陶澍督
同運司飭屬勸諭紳富捐輸接濟嗣據運司俞
德淵督屬查明捐輸紳富及出力董事姓名銀
數取造冊結分別請

獎竝將首先倡捐最爲出力之餘東場大使徐慶咸
額懇

聖恩以應陞之缺陞用其餘出力稍次之掘港場大

使錢同謨呂四場大使林樹寶石港場大使自
佩珩餘西場大使王佩琮丁溪場大使劉端元
各勸捐錢數千串至一萬餘千串不等經理數
月之久始終不懈通州直隸州知州傅璋通州
分司運判章復文一同捐廉倡導督率經理設
法救濟據運司詳請咨部議敘當經臣據詳咨
部各子議敘茲准吏部以錢同謨等七員捐廉
倡導勸捐之處該督未經奏明未便據咨辦理
等因咨覆到臣查掘港場大使錢同謨呂四場
大使林樹寶石港場大使白佩珩餘西場大使

王佩琮丁溪場大使劉端元督率勸捐始終奮
勉署通州直隸州知州傅璋通州分司運判章
復文捐廉倡導督率有方俾災歉各鹽場得資
接濟竊情安貼辦理均屬盡心雖人數較多未
敢請給升階亦不便沒其微善相應仰懇

天恩勅部將該員等各予從優議敘以示鼓勵除咨
覆吏部外謹會同江蘇巡撫臣林則徐據實附
奏伏乞

聖鑒訓示謹

奏

附錄卷之六十四
道光十三年三月二十六日附

奏四月二十五日奉到

硃批另有旨欽此同日奉到四月十三日內閣奉

上諭前因淮南場地被水經陶澍等以勸捐其次出力之錢同謨等七員咨部議敘吏部以未經奏明未便據咨辦理茲據陶澍等奏該員等倡捐督辦乏食貧竈接濟有資均屬盡心民事加恩著照所請所有掘港場大使錢同謨呂四場大使林樹贊石港場大使白佩珩餘西場大使王佩琮丁溪場大使劉端元署通州直隸州知州傅璋通州分司

運判章復文俱著交部從優議敘以示鼓勵欽此

審擬銅陵縣鹽船捏淹匪徒鬧店暨丁役詐贓摺子

奏爲審明定擬恭摺具

奏仰祈

聖鑒事竊照銅陵縣鹽船經過捏報淹消暨匪徒鬧店該縣延不稟辦竝門丁索詐得贓典史分肥各情經臣會同安徽撫臣鄧廷楨

奏參欽奉

上諭陶澍等奏江船盜賣引鹽捏報淹消請將典史知縣革職究審一摺此案署安徽銅陵縣事候補

通判胡邦黼於船戶劉泳泰裝運引鹽全載盜賣
賄串書役捏報淹消延不解審其境內私鹽充斥
經委員拏獲各犯解縣收審亦竟毫無覺察任令
脫逃迨至匪徒聚衆鬧官店該縣門丁童升復
敢向官運委員索詐得贓該署縣種種膽玩殊出
情理之外代理典史漆文瀾現經供認分肥該署
縣亦難保無知情庇縱及得贓等弊必須嚴行審
訊胡邦黼漆文瀾著一併革職交該督親提嚴審
斷不准稍有不實不盡之處凜之慎之欽此行據
池州府委員押解胡邦黼漆文瀾併案內人証

卷宗到省飭委江南鹽巡道葆謙督同江寧府等確審詳辦去後旋因訪有桐城縣土豪劉瑤收買私鹽飭據安慶府報獲劉瑤暨王幅田徐月桂劉洸海等究出軍犯李大德爲劉泳泰將鹽盜賣與劉瑤轉售王幅田等代爲分銷李大德等又另爲船戶任萬興等迭次代銷盜賣復經會

奏請

旨將劉瑤捐職同知斥革審明按例發附近充軍李大德王幅田徐月桂問擬杖流李大德仍照軍

犯在配犯流於原犯近邊充軍上加枷號一個
月調發邊遠充軍劉洸海問擬杖徒聲明該犯
等尚有船戶劉泳泰盜賣商鹽一案應俟審明
覈辦等情經安徽撫臣鄧廷楨親提勘

奏抄摺咨

臣

轉行在案茲據委員江南鹽巡道葆

謙督同現任江寧府知府王青蓮等審擬解勘

前來

臣

親提研鞠緣李大德卽李大得籍隸湖

南沅陵縣范雲籍隸江蘇上元縣童升陶玉潘

孔書范和籍隸安徽桐城銅陵等縣李大德先

於道光元年因在籍行竊熊思康家臨時拒捕

未經成傷案內發近邊充軍僉發銅陵縣安置
范雲童升係銅陵縣家丁陶玉係差役潘孔書
係戶房書辦范和係大通訊兵丁道光十一年
十月有在逃船戶劉泳泰在江蘇儀徵縣經現
獲之錢于亭及在逃之楊友歧劉達臣萬興盛
保薦攬載商人鄒德興辛卯綱引鹽四百八十
引帶殘一百二十引共計子鹽三萬三千一百
三包憑埠頭晏廣源立契蓋戳裝赴江西口岸
劉泳泰因無商廝押運沿途將鹽陸續盜賣十
二年正月船抵銅陵縣地方尙存鹽一萬七千

包劉泳泰央託李大德及安徽省另案已獲之
王幅田徐月桂竝在逃之王春堂王錦文王茂
青王相惘代爲銷售許分銀兩李大德等應允
時有安徽省另案已革之捐職同知劉瑤收買
私鹽李大德等往向說合劉瑤令其族姪劉洸
海及管事之洪著勤方美中向劉泳泰買鹽一
萬包每百包言價銀二十一兩一錢劉洸海止
給劉泳泰銀二千兩李大德等卽扣出銀二百
三十兩按股均分又安徽省現獲之劉小卡孜
代在逃之銅陵縣人方加泰向劉泳泰買鹽一

千二百包又未獲之桐城縣武生劉獻堂劉華石各向劉泳泰買鹽一千包又劉泳泰送給王錦文之父王修鹽一百包餘鹽三千七百包係王幅田王春堂王錦文代銷不知賣與何人所得價銀李大德等均照前扣分餘俱劉泳泰收受劉泳泰因鹽已賣盡起意捏報淹消於正月二十九日以船至荷葉洲江面遭風將船鹽打沉等情赴銅陵縣呈報該署縣胡邦瀚適值局試文童移行大通鎮巡檢王蘭佩大通汛把總章錫旂外委劉宏恩前詣會勘並無船隻王蘭

佩訊據劉泳泰供稱船已沉溺水底無從查勘
取具劉泳泰供結繪圖據實詳縣並未聲敘淹
消劉泳泰慮恐究出實情與李大德相商情愿
出錢打點李大德當託陶玉及已獲病故之縣
役焦泰張淮轉向范雲童升及在逃之該縣門
丁吳忠告知范雲等貪利應允陶玉等令劉泳
泰出錢八百千文包辦言定先付錢四百千文
給李大德轉交陶玉等派分陶玉等以二百八
十千文作爲內費送交吳忠接收吳忠自畱七
十千文分給范雲四十千文童升三十千文在

逃之管門家丁蕭玉十千文管監家丁董幅二
十千文跟班家丁徐貴虞升張誠各十千文各
三小廝十千文內幕嚴石卿六十千文嚴石卿
跟人十千文陶玉等又將錢一百二十千文作
爲外費陶玉焦太張淮各分二十千文經承潘
孔書十千文汛兵范和八千文畫工方漢林二
千一百文值日差役金茂王安甯彩各二千六
百文未獲病故之地保樊全五千文並付給未
獲之巡檢門丁張貴與巡檢書役共分錢十四
千九百文餘錢十數千文係在逃之看役盛美

地保余肇修縣差繼英王斌等分得該署縣胡
邦勳巡檢王蘭佩把總章錫旂外委劉宏恩均
不知情該署縣提訊劉泳泰及水手項貴保僉
供船係遭風打沉鹽被淹消該署縣因無船可
驗恐有未確將劉泳泰項貴保各掌責二十交
差管押隨因屢訊劉泳泰等狡執前供誤信爲
實據供通詳經臣暨鹽運司查覈情節未確均
經駁飭將人卷提解鹽運司衙門訊辦因劉泳
泰項貴保在押病重先據看役稟經該署縣飭
交地保樊全保領醫調詎劉泳泰項貴保先後

乘間脫逃關緝未獲此李大德爲劉泳泰代銷盜賣商鹽並賄囑該縣丁胥捏報淹消劉泳泰等脫逃未獲之原委也又十二年五月二十二日巡江委員候補運判許惇詩守備孫萬清在銅陵縣大通鎮地方挈獲在逃販私水手蔣廣清趙是問金文詩李士玉四名並鹽七包送交大通鎮巡檢衙門解縣審辦被不知姓名水手率衆趕赴中途將人鹽奪去該署縣胡邦黼差緝無獲又池州府口岸因舊商乏退無鹽到岸暫辦官鹽接濟經運司遴委候補批驗大使許

學呂運鹽至銅陵縣設店銷售六月初十日該
大使在城西大街拏獲販私水手羅能泰一名
竝私鹽六包備文送縣訊究適該署縣胡邦楠
因公赴府當經童升將人犯交差看管稱俟該
署縣回署審訊旋有水手夥黨率衆闖至官店
硬索釋放官店管事周南樵恐滋事端央令現
獲之已革監生甯玉桂往向童升告知令將羅
能泰釋放童升以本官現不在署未能專主該
大使先係備文送縣仍須備文請釋方能釋放
童升一面帶同縣役陶玉等往官店彈壓周南

樵隨令該大使備具釋放移文送縣童升卽令
值日差役盛洪等將羅能泰送交代行典史漆
文瀾訊明係屬初犯鹽勛無多將羅能泰責懲
釋放水手人等始行散去次日甯玉桂希圖於
童升前見好向周南樵聲言此事童升與縣役
及典史衙門均爲出力必當給錢酬謝將來有
事呼應較靈周南樵囑令甯玉桂先爲酌量墊
付隨後給還甯玉桂隨墊給童升銀八兩陶玉
焦太張淮盛洪俞泰潘英各給錢一千文又給
典史門丁周祥銀四兩典史衙皂查林黃先錢

各一千文童升將銀四兩與未獲門丁吳忠蕭
玉均分餘銀四兩童升一人收用迨後周南樵
向甯玉桂詢問墊用銀數甯玉桂欲圖藉端開
銷捏稱墊付銀五十兩周南樵因未查實尙未
付還此又童升等事後得財之實情也據該大
使許學呂稟經鹽運司轉稟到臣經臣會摺
奏叅審辦劉泳泰等先逃未獲訊據現犯各供認
前情不諱臣恐該署縣胡邦黼及巡檢典史汛
弁等有婪索情事復嚴加究詰僉供該署縣提
訊時卽將劉泳泰等掌責管押因病重取保並

無染指巡檢王蘭佩汎弁章錫旂等勘無船隻
據供覆縣並未聲敘淹消其無婪索可知至典
史漆文澗到任甫及六日與甯玉桂素未謀面
鹽犯羅能泰因童升送交查訊卽時訊明責釋
並不知甯玉桂事後酬謝無從分肥再三研鞠
衆供僉同案無遁飾查律載竊盜贓一百二十
兩以上絞監候爲從減一等又例載軍犯在配
復犯流罪者照逃軍枷號調發之例一律辦理
又充軍常犯至配後脫逃係附近充軍者初次
枷號一個月調發近邊其本犯近邊者以次遞

加調發又律載官吏受財枉法贓一兩至五兩杖八十二兩杖六十徒一年三十兩杖八十徒二年四十兩杖一百徒三年無祿人減一等又例載蠹役詐贓一兩至五兩杖一百加枷號一個月六兩至十兩杖一百徒三年計贓在十兩以上者發近邊充軍又律載有事以財行求說事過錢者審實皆計所與之贓與受財人同科事後受財事不枉斷准不枉法論又不枉法贓一兩以上至一十兩杖七十二兩杖八十無祿人減一等又例載埠頭明知船戶不良朦

混攬裝致船戶途間盜賣商鹽者照寫船保載等行持強代攬擾害客商例治罪如無前項情弊止於保僱不實者照不應重律杖八十又寫船保載等行持強代攬以致擾害客商者枷號一個月杖八十各等語此案李大德先因行竊拒捕擬軍今復爲在逃之船戶劉泳泰代銷盜賣商鹽至一萬七千包之多並爲船戶任萬興迭次盜賣商鹽更爲劉泳泰賄通縣署了胥捏報淹消情殊可惡若僅將該犯照尋常軍犯在配復犯流罪于原犯近邊充軍上加等問發邊

遠尙覺情浮於法李大德應請從重發往新疆
給官兵爲奴照例刺字該犯代銷船戶任萬興
等盜賣商鹽一案經安省照例問擬今旣從重
擬遣應歸此案擬結買鹽之劉瑤代銷之王春
田徐月桂聽從劉瑤收買之劉洸海均經安省
於任萬興案內分別問擬軍流徒罪覈與此案
情罪相等應歸彼案擬結范雲童升係該署縣
胡邦藩家丁陶玉焦太張淮係銅陵縣差役該
犯等於船戶劉源泰盜賣商鹽之案聽受賄囑
朦混本官捏報淹消係屬枉法范雲得錢四十

千文童升得錢三十千文陶玉焦太張淮各得
錢二十千文照枉法贓無祿人計贓減等科斷
其罪各止徒杖惟係長隨差役得贓舞弊累及
本官革職情節較重自應從重比例問擬童升
陶玉焦太張淮除事後得受甯玉桂銀錢輕罪
不議外應與范雲均比照竄役詐贓十兩以上
例發近邊充軍焦太張淮已在押病故應毋庸
議潘孔書係銅陵縣經書范和係大通汛兵丁
各得受錢十千文潘孔書范和亦應比照竄役
詐贓六兩至十兩例杖一百徒三年方漢林係

畫工承繪劉泳泰一案勘圖得受錢二千一百
文金茂王安寧彩係銅陵縣差役各得劉泳泰
錢二千六百文亦應比照蠶役詐贓一兩至五
兩例杖一百加枷號一個月革役該犯等均照
比例問擬免其刺字寧玉桂因將販私水手羅
能泰送交代行典史漆文瀾訊明責釋後希圖
見好向官店管事之周南樵說明代墊銀錢送
給丁役酬謝該犯代墊銀十二兩錢八千文應
照說事過錢與受財人同科事後受財事不枉
斷准不枉法論不枉法贓二十兩杖八十無祿

人減一等律杖七十已革監生不准開復周祥
係代理銅陵縣典史漆文瀾家丁事後得受甯
玉桂酬謝銀四兩盛洪俞泰潘英查林黃先係
銅陵縣差役及典史衙皂事後得受甯玉桂錢
各一千文均應照不枉法贓一兩以上至一十
兩杖七十無祿人減一等律杖六十盛洪等均
革役錢子亭保薦在逃船戶劉泳泰裝運商鹽
竝不查明來歷朦混攬裝以致劉泳泰中途盜
賣應比照寫船保載等行恃強代攬擾害客商
例枷號一個月杖八十準頭晏廣源卽爲立契

蓋戮並不確切查明係屬保僱不實應照不應
重律杖八十已革署銅陵縣知縣試用通判胡
邦勳於船戶盜賣商鹽捏報淹消之案未能細
加查察誤信實情據供通詳又因船戶患病取
保脫逃迨奉提審不能獲解復失察丁胥得贓
咎無可辭業經革職應毋庸議大通鎮巡檢王
蘭佩於劉泳泰呈報淹消前詣查勘見無船隻
訊供據實詳縣並未聲敘淹消惟究未查出盜
賣捏報實情又失察丁役得贓應照例議處已
革代理銅陵縣典史試用未入流漆文瀾訊明

並無受賄情事惟失察丁役事後受賄其咎尙
輕應請開復原官與大通汛把總章錫旂大通
汛外委劉宏恩於劉泳泰淹消捏報不能查勘
實情又失察汛兵得贓均應照例議處劉小卡
孜現經安省就獲俟提解至日審擬另結李大
得等所得銀錢照追入官充公焦太張淮在途
在押病故解役看役人等訊無凌虐情弊均毋
庸議所得贓錢與已故地保樊全分得之贓照
律勿論逸犯劉泳泰等嚴緝務獲另結商人鄒
德興全載引鹽均被盜賣應令照例補運除全

陞運河外生委司事四十七
案供招咨部查覈外謹將審明定擬緣由恭摺
具

奏伏乞

皇上聖鑒勅部覈覆施行謹

奏

道光十三年三月二十六日具

奏四月二十五日奉到

硃批刑部議奏欽此

部議覆准

請鼓勵捐挑省河道尤爲出力人員摺子

蘇撫會稿

奏爲捐挑江寧省城內河工竣查明始終出力各
委員董事遵

旨擇尤請獎以昭激勸仰祈

聖鑒事竊照江寧省城前淮後江青溪後湖運瀆各
河或北或西從城內繞至東南會同秦淮環抱
曲折迤西而北達於大江其間民商叢萃舟船
往來兼爲鹽漕挽運所經歲時旱澇尤資宣洩
攸關水利農田必須一律疏浚使內外流通以
免涸溢而資利賴前于道光十年經前任藩司

賀長齡倡率勸捐挑浚飭委陞任江寧府俞德淵遴員選董分投興辦將城外各河先行挑浚其城內河道因時交夏令不及興工經前督

蔣攸銛會同

臣陶澍

奏明欽奉

上諭蔣攸銛等奏捐挑工竣懇請獎勵一摺江寧省城外下河北河因年久失挑日滋淤塞經該藩司員長齡捐廉爲倡地方各官分捐協助上元江寧兩縣紳商人等踴躍樂輸共捐銀四萬餘兩現已挑竣一律寬深共用銀二萬六千八百餘兩餘銀

爲城內各河修浚之用俟冬令水涸再行按段挑
辦所有捐銀三百兩以上捐職布政司理問陳長
年等二十名著交部議敘至在工各委員董事人
等著俟內河工竣擇其尤爲出力者另請獎勵該
部知道等因欽此欽遵飭司在案查前項應挑內
河工程因連歲冬春之際雨雪繁多城河水勢
較大屢欲興工輒復中止惟漫淹旣甚淤積愈
增河身倍形高仰如十一年夏秋漲發江湖與
內水交相頂灌無路疏通遂致城內民居官署
多在水中併貢院號舍亦俱被淹是其明證若

不趕緊挑浚水患實屬可虞飭據江寧藩司趙
盛奎於上年冬間督率府縣及原辦委員董事
等預雇人夫先就東西兩處水關以內築壩堵
閉以斷來水隨即集夫車戽趕辦據報於上年
十二月初三日開挑起至本年三月初六日止
將城內秦淮青溪運瀆三河淤淺之處一律挑
辦完竣經該司會督道府親往驗收俱係如式
挑挖深通共用銀五千二百餘兩於原存本款
餘剩銀內動用委係撙節核實辦理並無草率
虛糜前此城外各河挑通至今商民稱便此次

續挑內河較前尤爲妥速現已開放水關起除
各壩內外河水暢通一氣蓄洩有資舟楫無阻
民情極爲歡愉其在事各委員先後承辦內外
河道或綜理局務分投督辦或會計經營稽查
彈壓皆能始終勤奮協力急公不辭勞瘁但人
數衆多不敢濫請獎敘亦不便沒其微勞據江
寧藩司詳請核

奏前來謹遵前奉

諭旨擇其尤爲出力者繕開清單籲懇

天恩加以鼓勵用勸將來此項工程均係紳商捐辦

前經

奏明邀免報銷尙有餘剩銀兩畱爲省城水利之用所有其次在工出力各員及董事等由司另詳分別咨部議敘由外記功給匾獎勵合併聲明臣等謹合詞恭摺具

奏伏乞

皇上聖鑒訓示謹

奏

謹將挑浚江寧省城河道尤爲出力人員繕具清單恭呈

御覽

計開

候補知州借補通判馮思澄

該員專司總局文件籌畫精詳經理始終不遺餘力應請免其借補通判以知州本班不論繁簡儘先補用

借補通州州同朱恭壽

該員經理銀錢勾稽核實往來工次竭力籌催該員係大挑知縣借補州同本班到班例應調還之員應請遇有本班知縣缺出儘先

調還補用

上元縣訓導楊會昌江寧縣典史湯翁嗣

該二員集夫挑挖催辦稽查均極認真不避辛劬應請各以應陞之缺儘先選用

布政司都事職銜甘福江寧縣附貢生費士嵩
該二人係紳士董辦工務竭力盡心始終其事
甘福應請給陞銜費士嵩請給八品職銜
道光十三年三月二十六日具

奏四月二十五日奉到

硃批另有旨欽此同日奉到四月十三日內閣奉

上諭陶澍等奏請鼓勵挑浚河道尤爲出力人員一摺此次江寧省城挑浚內河甚爲妥速經該督等查明在事出力各員始終勤奮自應量加鼓勵江蘇候補知州借補通判馮思澄專司總局籌畫周詳著免其借補通判以知州本班不論繁簡儘先補用借補通州州同朱恭壽經理錢糧勾稽覈實該員係大挑知縣借補州同本班到班例應調還之員著准其遇有本班知縣缺出儘先調還補用上元縣訓導楊會昌江寧縣典史湯翁嗣集夫挑挖均極認真著准其各以應陞之缺儘先選用布

政司都事職銜甘福江寧縣附貢生費士嵩該二人係紳士董辦工務竭力盡心甘福著給予陞銜費士嵩著賞給八品職銜餘依議單併發欽此

奏報駱馬湖租息動支實數摺子

蘇撫會稿

奏爲道光六七八等三年應徵宿遷縣駱馬湖地租花息錢文動支實數恭摺奏祈

聖鑒事竊照宿遷縣駱馬湖無糧灘地經前督

臣孫

玉庭河臣黎世序委員丈明頃畝酌定租息並於估種最多之戶酌追花息擬定章程

奏奉

諭旨自道光三年爲始於麥熟後徵收撥充淮徐兩府地方公用仍將動存實數於年底奏報一次免其逐案報銷其估種官地之戶分別上中下等差

從道光元年起酌追花息充公等因欽此業經前督臣蔣攸銛將道光五年分徵收動用各數奏報在案其道光六年分應徵租息錢文因湖地被淹二麥失收湖租無出奏奉

諭旨全行豁免其公用各款於動存項內核實支銷如有不敷另行籌辦等因欽此轉行欽遵在案茲據江寧布政使趙盛奎等會詳稱道光六年應支公用各款計收七年節省盈餘錢五千五百九十四千九百五十九文零又收八年節省盈餘錢五千六百一十一千八十四文零連道光

五年實在存庫及三四五年民欠錢七千四百四十三千四百二十八文零統計管收共錢一萬八千六百四十九千四百七十二文零內除徐州府屬採買營硝原設添設卡房水卡更棚兵役更夫緝捕經費津貼宿遷縣書院育火並解錢運腳包繩同淮安府屬牧馬巡緝公用等項共錢一萬三千七百七十九千四百六十七文實在民欠未完三四五年租息共錢四千八百七十七千五文零又道光七年分應徵租錢一萬九千三十一千一百六十五文零內經該縣

徵完錢一萬六千七百二十三十九文零民
欠未完租錢二千三百八千一百四十五文零
連道光六年實在項下三四五年民欠未完錢
四千八百七十千五文零統計管收共錢二萬
三千九百一千一百七十一文零內除撥補道
光六年錢五千五百九十四千九百五十九文
零外實計管收錢一萬八千三百六千二百一
十一文零內除應支前項各款公用錢一萬一
千一百二十八千六十文實在民欠未完三四
五七年租息其錢七千一百七十八千一百五

八十四文零實計管收錢二萬六千四百五十
六千七百六十三文零內除應支前項各款公
用錢一萬二百六十八千七百一十七文實在
民欠未完三四五七八等年租息共錢一萬六
千一百八十八千四十六文零造冊詳請核

奏前來臣等伏查該湖灘地道光六年被水淹沒
二麥無收應徵租息錢文奏奉

諭旨全行豁免一切應支公用

奏明核實籌辦已於七八兩年徵收租息款內撥
補應用其七八兩年應徵租息核數均屬相符

至淮徐兩府因公動支各款俱係實用實銷尙無浮冒除將各年民欠飭令該司道查明完欠數目分別追繳外所有道光六七八等三年徵收租息錢文及動用實數遵

旨奏報免其逐案報銷緣由臣等謹會同江蘇巡撫臣林則徐合詞循例恭摺具

奏伏乞

皇上聖鑒再道光六年徐州鎮將帶兵巡緝彈壓糧船水手盤費錢文尙未支發仍俟催追節年民欠給還至此案報銷因六年湖地被災租息免

徵一切公款籌補應用俱係三年併計又因淮
徐兩府屬公用款目紛紜該府縣造冊報銷往
返駁查致稽時日合竝陳明謹

奏

道光十三年三月二十七日具

奏四月二十五日奉到

硃批該部知道欽此

赴清江浦辦理重運摺片

再本年各省起運新漕均係全數出運幫數較多自去冬以來雪雨連綿異常冷凍誠恐弁丁人等藉詞延展經臣節次嚴飭各該省糧道親督縣幫趕兌趕開竝劄飭沿江沿河文武員弁加緊提催前進因各處雨多漲發幫船浮送無滯茲截至三月二十日止蘇常等屬渡江漕船計九百五十三隻湖北全幫已過江寧湖南江西幫船定可啣尾前來其松太浙省各幫亦據報陸續開行前進現值清水高於黃水察看形

勢毋庸倒塘灌放已於三月十八日將在前各幫開壩渡黃北上後船源源跟接臣卽日自省起程遄赴清浦親督司漕各員竭力趲催以期速益加速仰副

聖主垂念漕儲至意所有臣衙門日行事件委令江寧藩司趙盛奎代拆代行其緊要事件仍封送臣行署核辦不致貽悞理合附片陳明謹

奏

道光十三年三月二十七日附

奏四月二十五日奉到

砾批知道了欽此

運銅委員請撥借應得養廉摺子

奏爲滇省運銅委員運費缺乏酌借養廉以資接濟而速運行仰祈

聖鑒事竊照滇省起運京銅關係京局鼓鑄迭奉

諭旨嚴催經臣劄行司道督飭經過文武加緊催償

旋據辛卯年正運二起委員張立方三起委員

曾毓璜四起委員李恒謙先後稟報沿途守水

守凍或節次沉溺船隻懸賞打撈費用不資所

領水腳及增給銀兩實在不敷支用今蒙沿途

趕催更屬無從設措懇請各借支應得養廉及

找領應得銀兩以資盤費等情臣查道光八年

雲貴督臣阮元等

奏請正運每起增給運費銀二千五百兩加運每
起增給運費銀一千五百兩將沿途借支之例
停止欽奉

上諭著照所請卽自道光八年起查照水腳等款之
例由湖北江寧二省藩庫各半發給作正開銷此
次奏定章程該運員等不得以經費不敷仍前濫
借致滋流弊等因欽此欽遵在案道光十年有滇
黔運員羅祖望等各運銅鉛船隻行抵清河縣

地方因遭風壞船費用無措經前督臣蔣攸銜
附片

奏請在於河庫酌借銀一千七百兩由江寧藩司
撥還咨會本省於各該員報銷找領及應得半
廉內扣還江省作正開銷欽奉

硃批俞允接准戶部行令嗣後不得援照成案亦經
轉行遵照是滇省起運銅勛沿途未便借給銀
兩張立方等所稟與案未符卽經駁飭去後復
據該委員等以各項用度實在不敷加以連年
荒歉一切人工飯食無不昂貴以致盤費罄盡

告貸無門困乏已極仍稟請借給養廉俾得及時行走免致貽悞等情臣查滇省運銅委員從前每起沿途借項少則數千多至萬餘嗣雖增有運費不及十成之一二又兼年荒物貴實無怪其支絀現當京鑪鼓鑄亟需銅勦奉

旨嚴催必須隨漕北上難任片刻停畱而遠道窮員既無親友可覓亦無債主可尋每日船工水手食米無措卽一切提漕打關亦非錢不行若竟拘泥滇省成案一籌莫借不但關河水勢難於停待更恐枵腹未能從事必至夫工星散有悞

趨行於京局鼓鑄大有關係臣查該運員等出差運銅均有應支本缺半廉及找領應得銀兩存貯滇省藩庫俟差竣回滇補領其應找銀兩若干此處雖無數目可查而養廉則例有定額前後總應支給此時該員等既囊空計窘患切誤公應卽於此項內撥給計算在途年月日期應得半廉若干於江寧藩庫每員酌行撥借銀八百兩以濟然眉計曾毓璜張立方李恒謙三員共撥借養廉銀二千四百兩飭具領狀發司給領以各運員本任應得之正項爲中途辦公

之急需移彼就此同一支領竝非濫借可比而該員等得此一項即可趕緊前進於京局鼓鑄可免遲誤據江寧藩司趙盛奎具詳請

奏前來臣仍一面咨會滇省於各該員應得養廉內坐扣歸款江省作正開銷再滇省銅差途經萬里時逾兩年險阻艱難情形不一內中固有無須增貼者卽有遭風失險增貼不敷者及至江南則更須守壩守凍起剝讓漕其費須俟回滇補領先由委員墊辦每致中途缺乏窘迫萬狀自非目擊不能深悉其艱亦不獨此次運員

爲然若概照滇省所定沿路停止借支卽恐坐視貽悞勢有難行或應稍爲變通以利饋運之處除卽移咨滇省從長計議辦理外合竝聲明所有銅員撥借應得養廉銀兩藉資趕運緣由理合繕摺具

奏伏乞

皇上聖鑒謹

奏

道光十三年四月十五日具

奏五月初七日奉到

硃批戶部知道欽此

現辦河漕情形摺片

再南河督 臣張井蒙

恩准其開缺回籍調理因新任河 臣麟慶未到仍力
疾辦公一切工程料物均照常經理趕辦惟庫
儲久空銀款未能應手或僅發一半或尙未發
給爲時已迫旣恐料價日昂其僅發一半者亦
難停工坐待 臣於四月初旬自省來浦經過揚
糧揚河裡河各工均係高堰山盱下游爲歸江
歸海之路復自清浦至禦黃壩查看黃河兩岸
均有要工而桃源于家灣堤工尤關緊要亟需

補還總之上兩年水勢過大一切堤埽各工雖經隨時搶修尚多殘缺或形卑矮而順黃壩黃水現已長至三丈四尺洪澤湖清水已長至一丈八尺五寸水勢浸高險工林立昨於四月初七八日接連西北風暴堰盱石工倒塌竟至數百丈轉瞬大汛屆期設使清黃並漲修守必至不及思之實切寒心臣與張井逐悉商榷應辦各工刻已難緩蒙

恩勅部准撥各款多在別省卽關榷各銀亦係約徵之數難以濟急其戶部指撥兩淮癸巳年應報

之三十萬查癸巳尙未開網凡癸巳應報之款
卽係壬辰應撥之課前因河工緊急業將壬辰
癸巳兩年額解河款先行籌奏解送茲復准部
行撥應卽於壬辰綱應報部款銀內酌撥以應
急需已飛飭運司委員解送應用餘仍飛催各
省速解勿使有悞宣防至河口清水暢出禦黃
壩外清高於黃一尺有餘暢流刷沙漕行順利
如果各幫船啣尾前行原不難迅速渡黃無如
江南蘇松太倉等屬冬春雨雪連綿碾兌不易
兼有搭運買補災截漕米數十萬之多籌米籌

費竭蹙倍形船多且重勢難跟接長行察訪浙
省情形亦復相似江西湖南各船經歷江湖亦
因風暴有損未能迅速經臣節次嚴飭沿途文
武不拘幫次遇船卽提復又委員齎

令嚴催現已四月中旬雖首進幫船早經北上在
後幫船亦復日日放渡惟清江閘壩水勢洶湧
絞拉爲難每日竭力挽行不過五六十船本年
節氣較早若盛漲驟臨恐致無從措手現仍飛
檄頻催節節迎提勒令夏至前務抵壩口如再
玩延卽行叅辦庶期以速補遲藉免貽誤上慰

宸厯所有河漕現辦情形合併附片具陳伏乞

聖鑒謹

奏

道光十三年四月十五日具

奏五月初七日奉到

硃批前已有旨飭催矣斷不准藉詞延宕務要催償
不遺餘力察之另有旨欽此同日奉到四月二十
六日內閣奉

上諭陶澍奏各省漕船行走遲滯請嚴行催償等語
本年係全漕之年各省幫船自應及早償運上年

曾經降旨飭令有漕各省早兌早開總於四月初十日以前全數饋至清江渡黃北上本月據恩銘等奏請嚴行饋提前已有旨飭催矣現在禦黃壩外清高於黃正可乘此機會啣尾北上茲據該督奏稱江南蘇松太倉等屬碾兌不易兼有搭運買補糧石船多且重勢難跟接長行浙省情形亦復相似江西湖南各船經歷江湖間因風暴未能迅速前進漕糧爲天庾正供經過地方不容片刻停留著沿途各督撫嚴飭文武員弁不拘幫次遇船卽提斷不藉詞延宕務要催饋不遺餘力勒令

於夏至以前全抵壘口倘再玩延著卽據實嚴叅
懲辦毋稍怠玩致滋貽悞稟之欽此

請將積歉地方新舊錢糧量子展緩摺子

蘇撫會稿

奏爲體察積歉地方民力實在拮据請將清河等
七縣衛應徵新舊錢糧竝常熟等五縣熟田舊
欠循案懇

恩量子展緩以廣

皇仁事竊照淮徐等屬本係積年荒歉之區去秋被
水成災冬間又多雨雪積水未能全涸二麥不
及播種卽已種之麥亦因冬春以來陰寒日久
長發已遲而蘇松等屬上年秋成亦未十分豐
稔今春連遭陰雨茶麥不免受傷兼以連歲棉

花收成歉薄棉貴布賤紡績停工當此青黃不
接之時倍形困苦業經臣林則徐於月報雨水
糧價摺內將勒捐賑卹情形奏蒙

聖鑒在案嗣據淮安府屬之清河鹽城徐州府屬之
銅山豐縣沛縣睢寧等六縣並徐州衛先後詳
稟請將本年上忙新賦及舊欠錢糧分別展緩
又據蘇州府屬之常熟新陽松江府屬之華亭
婁縣南匯等五縣各請將舊欠錢糧緩徵等情
均經批司確查詳辦去後茲據江寧布政使趙
盛奎蘇州布政使陳鑾飭據該管道府體察情

形懇照歷屆展緩成案詳請具

奏緩徵前來臣等伏查清河鹽城銅山豐縣沛縣
睢寧等六縣竝徐州衛坐落銅豐二縣屯田上
年被水成災卽毘連災區之熟田收成亦皆歉
薄常熟新陽華亭婁縣南漕等五縣上年秋成
亦未豐稔所種二麥復因冬春雨雪陰寒根苗
東損現值清黃不接民力正甚拮据若將新舊
錢糧按忙改徵實恐力有未逮合無仰懇

皇上天恩俯准將清河鹽城銅山豐縣沛縣睢寧徐
州七縣衛熟田應徵道光十三年上忙新賦竝

清河豐沛三縣十二年未完錢糧及睢寧縣十三年攤徵水利銅山縣十二年五限荆山橋奎河等款攤徵水利一併緩至本年秋成後啟徵又常熟縣應徵未完道光二年以前舊欠銀米緩至道光十三年秋成後起查照分徵原案各就最遠年分帶徵一年以次遞展其道光三年以後各年舊欠銀米緩至十三年秋後起仍分作兩年帶徵又新陽縣未完道光十一年分舊欠熟田錢糧華亭縣未完道光十年以前舊欠錢糧婁縣未完道光十年十一年舊欠地漕銀

兩南滙縣未完嘉慶二十四年起至道光十年止舊欠熟田錢糧均請緩至本年秋成後起概予展緩一年徵收以紓民力感戴

鴻慈實無既極其餘各屬應徵新舊錢糧嚴飭照常催徵不准觀望延欠除飭查明各該州縣衛實欠銀米細數造冊另行咨部外臣等謹合詞恭摺具

奏伏乞

皇上聖鑒訓示謹

奏

道光十三年四月二十二日具

奏五月二十一日奉到

硃批另有旨欽此同日奉到五月初六日內閣奉

上諭陶澍等奏積歉地方應徵新舊錢糧並熟田舊

欠懇請展緩一摺江蘇淮徐等屬積年荒歉冬春

雨雪陰寒麥苗凍損現值青黃不接民力未免拮

据加恩著照所請所有清河鹽城銅山豐縣沛縣

睢寧徐州七縣衛熟田應徵道光十三年上忙新

賦並清河豐沛三縣十二年未完錢糧及睢寧縣

十三年攤徵水利銅山縣十二年五限荆山橋奎

河等款擬徵水利著一並緩至本年秋成後啟徵
又常熟縣應徵未完道光二年以前舊欠銀米著
緩至道光十三年秋成後起查照分徵原案各就
最遠年分帶徵一年以次遞展其道光三年以後
各年舊欠銀米著緩至十三年秋後起仍分作兩
年帶徵又新陽縣未完道光十一年分舊欠熟田
錢糧華亭縣未完道光十年以前舊欠錢糧婁縣
未完道光十年十一年舊欠地漕銀兩南匯縣未
完嘉慶二十四年起至道光十年止舊欠熟田錢
糧均著緩至本年秋成後起概予展緩一年徵收

以紓民力其餘各屬應徵新舊錢糧仍嚴飭照常
催徵不准觀望延欠該督等卽刊刻謄黃徧行曉
諭務使實惠及民毋任吏胥滋弊用副朕軫念災
區有加無已至意該部知道欽此